



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 24. De Caaiquarum moribus.

urn:nbn:de:hbz:466:1-38528

terris ad eum hostiæ consecrandæ ob defectum frumenti mittebantur; quas, quia paucæ erant, in multas particulas dividebat, ut in singulorum dierum Sacrificia sufficerent. Cibos ad eum aliunde missos Gualachi rapiebant: per integrum annum tres tantum casei ad ejus manus pervenere, etiam diripiendi, nō Barbari caseorum ignati, ceram candidam existimassebant. Igitur radicibus & vilissimis cibis optimus Pater vitam sustentabat, narrante cum viperarum carnes aliquando comedisse. Quoquomodo poterat, cibioꝝ gentis solemnia coērcebat, aususque non semel est, ipreto discrimine, brachiorum nisu lymphaticos, ne se mutuo conficerent, prosternere, & instrumenta ebrietatum frangere. Notabile fuit in his Gualachorum symposiis dictum: nam cum dæmon adesse solitus ab compotitoribus interrogaretur, quid è cœlo in hostiam Sacerdotis nostri sacrificantis sub medium missæ advenire? respondit, Filium Dei: addens eo dic, quia Nativitas Virginis celebrabatur, Virginem MARIAM è cœlo etiam descendisse, geniali die filium honestatarum. Quod dictum quamvis patris mendacii sit, multum conferre potest ad tanti Sacramenti venerationem.

SUB anni millesimi sexcentesimi trigesimi finem, & principium sequentis, Tucumania Calchaquino bello afflictae cœpit: quæ poterat pace frui, si de sua tutela querula non fuisset. Hispani in conterminis Calchaquinae vallis urbibus ante aliquot annos ideò se Societati offensos ostenderant, quod hanc vallem duabus sedibus occupasset, dicitantes se Sociorum reverentiâ detineri, quominus gentem indomitam subjugarent. Societas verò, quamvis Calchaquinorum per vicacia contundenda frustra diu laborasset, autumabat tamen non inutilem Christianæ & publicæ rei operam se ponere, eo solo nomine, quod Calchaquinorum infantes expiareret, & autoritate suâ quasi muro bellicosissimam gentem ab Tucumania depopulatione contineret. Sed accedentibus aliis rationibus, vallis, uti supra demonstratum est, nobis deserenda fuit. Quâ desertâ, Saltenses & Riocenses cives, confidentiùs, quâcum infidis & exacerbatis hominibus par erat, se gerentes, non secus ac antè in eorum confiniis agros excolebant: & ausus est Urbina, vir potens, in ipso vallis ostio amplam villam in castri speciem construere. Sed amotâ Societate, fractis velut repagulis, veteri odio stimulante, Barbarorum exundans furor foras erupit, vicina primùm corripiens, & deinde longinqua pervadens. Conjuratione cum finitimus factâ, Utbinæ villam vi capiunt, quo cum domesticis & uxore trucidato, ejus filias, selectissimas virgines, postea à Saltensisibus vi redemptas, abigunt; villas Hispanorum destruunt. Conjurati Andalgales, Famentini, Andacolæ, Capaianes, & aliae Barbarorum nationes advolant. Indi apud Hispanos educati per fraudem dominos mahtant, vi viam ad vallem, libertatis recuperandæ ergo, sibi faciunt. Tucumania Prætor Albornosius, Cardinalis Albornolii frater natu major, Barbaros, antequam vires jungerent, incompositos adortus, vicit quidem, & in vallis fauibus castrum construxit: sed hostes adunati præsidarios Hispanos extra vallem progressos cum eorum duce trucidant, potique castro, Londinum urbem, occisis quamplurimis, destruunt, Riocam obsident, totam Tucumaniam bellum metu concutiunt. Inter quæ turbamenta Saltense Collegium, combustis segetibus, & pecoribus abaëtis, nutavit: Riocense eò redactum est, ut Venerabile Sacramentum ex deserta domo educi debuerit. Nec unius anni vexatio fuit; sed ultra decennium bellum productum est, non ante finem habiturum, quâ Societas valli restituatur. Interim Calchaquenium rebellio valde incommodavit Apostolicis excursionibus & urbanis utilitatibus. Quamquam in authenticis codicibus reperio, hoc anno per varia loca non sine aliquo fructu excusum fuisse.

IN Paranensi regione ex Acaraënsi oppido ad Caïaguas Christo lucrando suscepta expeditio est. Caaiguarum gens est longè modica, & incultissima Indorum omnium. Ii inter Paranam & Urvaicam in sylvis sparsim habitant, unde illis nomen adhaesit; nam Caaigua sylvanum sonat. Propriâ lingua gens utitur, haud sanè ad cognoscendum facilis; nam dum voces edunt, sibilare, & inarticulatos slopos in-

Inedita.

MARIA
Virgo V. Sa-
cramentum
coherens.

CAPUT
XXIII.
De Calcha-
quinorum
rebellione.

1630.

Societas diu
Calchaqui-
no in officio
continuit.

Conjuratio
Barbarorū.

Albornosius
Calchaqui-
nos vincit.

Calchaquini
bellum re-
dimicunt.

CAPUT
XXIV.
De Cai-
guarum
moribus.

*Caaiguaranum cibus.**Agilitas.**Praedita.**Ferocitas.**Bella.*

CAPUT
XXV.
De expeditione ad Caaiguara.

Expeditionis difficultates.

guttute turbinare potius, quam loqui videntur. Tenuissimas casas ex arborum ramis confectas, unas ab aliis longè semotas habent; nec pænè major quam ipsis feris ciborum providentia est, adeò neque agriculturam, neque commercia exercent. Sagittâ pescantur, venanturque: maximam partem vermbus, viperis, muribus, formicis, parabili sanè & paßim obvio ciborum genere, & aliis animalculis vivunt: nec abhorrent ab esu tygrinæ carnis. Alces, quas Hispani magnas bestias vocant, luctando mactant, comeduntque. Simias per arbores adrependo ita sequuntur, ac si simia essent: quarum simiarum natura ea est, ut fugientes de arbore in arborem proles suas circumferant; ex alto lapsas Caaiguæ excipiunt, devorantque. Mel sylvestre illis in deliciis est. Hydromellis potu ita incalescunt, ut illo se contra frigora tueantur. Huic genti perpetua cum tygribus conflictatio est; nec aliam paucitatis suæ rationem reddunt, quam quod continuis ferarum insultibus diminuantur. Rabiem pro virtute habent, cæteras animi dotes ignorant. Multi usque ad portentum corpore deformes sunt, tam simiis similes, quam hominibus, præfertim si nares spæctes, quas simas jure optimo dixeris. Dorso gibbosæ & plerumque collo obstipio sunt: non desunt tamen inter eos formæ præstantes, præfertim mulieres, quæ in umbra natæ & educatæ, corporis colorem Europæis non admodum absimilem conservant. Utique sexui tenuissimus rationis usus est, quam ciborum genere, & quotidianâ feritate, necnon libertate vita depravant, ut ab ipsis ferarum moribus non multum absint. Urticis mulieres à cingulo ad genua se vestiunt, quas urticas lini adinstar maceratas, digitisque pexas, reticulatum necunt. Viri nullas vestes, præter pelles, habent, quarum præpter parvitatem omnes ferè corporis partes sunt apertæ. Quamvis nudi incedant, ita toto corpore obcaluerunt, ut per vapretæ & spineta sine formidine, viperarum adinstar, repant. Si qui bello capiuntur, difficilius quam ipsæ feræ cicurantur; nam plerumque vincula ferrea mordent, maniacorum in morem toto corpore spumantes: quin assuecere ad aliorum consortium, & mansuetieri, vix ipsi parvuli excepti possunt. Si in vinculis diu relinquantur, quâdam importuniâ animi, cœu animalia, quæ extra elementum suum educari nequeunt, paucos post dies, non admissis cibis, moriuntur. Aliud genus Caaiguaranum est bellicosum, quorum bella tam ignobilia sunt, ut propria sint ferarum insultibus, quam hominum certaminibus. Hi viatores in suis terris incautè dormientes ex spissitudine nemorum aggrediuntur, mactantque; non tam vindicandi se, aut aliarum rerum cupidine, quam carne hostili vescendi, aut ferocitatem satiandi libidine: quam inhumanitatem liberali appellatione bellum vocant. Vinci se adeò dolent, ut quamvis subinde ab hostibus veniam accipient, neque cibum sumant, nequé vulnera curari patiantur. Ex utraque gente Guairanæ Socii variis temporibus aliquot manipulos è sylvis eruerant, sed ferè omnes, statim ac oppido includebantur, more plantarum, que in umbra natæ Solem non ferunt, statim moriebantur. Acaraenses etiam Socii aliquot ejusmodi homines variis artibus æquali animarum utilitate ac corporum pernicie reduxerant, optabantque modum inventire, quo mortalium miseris animarum saluti, minimo corporum damno, conseruerent.

CAPUTO itaque eorum terras adeundi consilio, Petrus Alvarus, aliquot Neophytis comitantibus, ex Acaraia iter arripiens, transmisso Paranâ, sylvas densissimas, nullique præterquam tygribus pervias, per Piracabim ingreditur: quâ parte, per sylvaram densitatem sibi viam aperiens, tantâ corporis contentione obluctationeque processit, ut inter vapretæ disceptâ veste cutem largè cruentaret. Vix tectus flumina collo tenus, paludesque pluvio maximè ccelo transmittebat, cœque loci dormiebat, ubi frequenter tygium vestigia, & semesa ab feris hominum cadavera visabantur. Semel in reticulo pensili dormiens casu arboris pænè obrutus est. Inter hæc pericula, egregius animatum venator ferorum hominum spelæa ingressus, per interpretem effecit, ut octodecim capita non admodum invitè se tradiderent. Narrabant, pridie quam Alvarus venisset, duos è suis à tygribus discriptos, & mulieres tres viperarum morsu periisse. Petro Alvaro de vicinis populis scisci-

tanti

